

Намозни ботил қилувчи нарсалар | Ҳадис дарслари (300-дарс)



19:00 / 25 сентябрь 1020

Намозда уни адо қилиш учун шариатда кўрсатилган кайфиятга хилоф нарса содир бўлса, у бузилади ёки бошқача қилиб айтганда, ботил бўлади. Бу вақтда намозни қайта ўқишга тўғри келади. Қуйида Ҳанафий мазҳаби уламолари намозни бузади, деган нарсаларнинг баъзилари билан танишиб чиқамиз:

1. Намозда қасдданми, унутибми, билмасданми, хато тариқасидами ёки мажбуранми, гапирилса, у ботил бўлади. Бу нарса икки ҳарфни ёки фаҳмласа бўладиган бир ҳарфни нутқ қилиш билан бўлади.

Мусибат туфайли овоз чиқариб йиғлаш ҳам намозни бузади.

2. Имомдан бошқага луқма берилса, намоз бузилади.

Шунингдек, агар имом бошқа оятга ўтиб кетган бўлса, олдинги адашган ояти луқма берилса, луқма берувчининг намози бузилади. Агар имом унинг ноўрин луқмасини олса, унинг ҳам намози бузилади.

3. Емоқ ва ичмоқ.

Бу икки иш қасддан ёки унутиб қилинган бўлса ҳам намозни бузади. Уч марта чайнаш, тишнинг орасида қолган нўхатдек таомни ейиш намозни бузади.

4. Бирин-кетин қилингандың күп амал.

Ташқаридан қараб турған одам, бу одам намозда эмас экан, дейдиган даражадаги амал күп ҳисобланади.

5. Қибладан юз үгириш.

Бу узрсиз күксини қибладан буриш билан содир бўлади. Аммо таҳорат қилиб келиш учун бурилса бўлади.

6. Авратни қасддан очиш.

Агар шамол ва шунга ўхшаш нарсалар сабабли аврат очилса, уч тасбех айтгунча вақтда ёпиб олса бўлади. Ундан күп вақт давомида аврат очик ҳолда қолса, намоз бузилади.

7. Катта ёки кичик бетаҳоратлик ориз бўлиб қолса, намоз бузилади.

8. Баданда, кийимда ва маконда афв қилиб бўлмайдиган даражада күп нажосат пайдо бўлса, намоз ботил бўлади.

9. Намозхон ўзи эшитадиган даражада кулса, намози бузилади, лекин таҳорати кетмайди. Агар ёнидагилар ҳам эшитадиган даражада кулса, намози ҳам, таҳорати ҳам бузилади. Овоз чиқармай, табассум қилса, намози ҳам, таҳорати ҳам бузилмайди.

10. Одамларнинг сўзига ўхшаш нарса билан дуо қилиш.

11. Бирорга салом бериш.

12. Саломга алик олиш.

13. Узрсиз томоқ қириш.

14. Оҳ уриш.

15. Акса урган одамга «ярҳамукааллоҳу» дейиш. Ёки шунга ўхшаш нарсаларни айтиш.

16. Таяммум ила намоз ўқиётган одам охирги қаъдага ўтиришдан олдин сувни кўриб, уни ишлатишга қодир бўлмоғи.

17. Икки маҳсига тортилган масҳнинг муддати чиқиши.

18. Маҳсини ечиш.

19. Якка ўзи намоз ўқиётган уммий одамнинг бир оят ўрганиб олиши.
Чунки энди унга ўша оятни ўқиб намозни адо этиш лозим бўлиб қолади.
20. Имо билан намоз ўқиётган одамнинг рукуъ ва саждага қодир бўлиб қолиши.
21. Яланғоч намоз ўқиётган одамга авратини ёпадиган кийим топилиб қолиши.
22. Яранинг устидаги боғич тушиб кетиши.
23. Ҳушидан кетиш.
24. Жинни бўлиш.
25. Назар солиш билан жунублик етиши.
26. Аёл кишининг намозда эркак киши билан бир сафда туриб қолиши.
27. Муқтадийнинг имомдан олдинга ўтиб кетиши ва бошқалар.

«Ҳадис ва ҳаёт» китобининг 4-жузи асосида тайёрланди.